

Гöгрöс мича лыдпас

Гöгрöс да мича лыдпас – 110 вося тшупöд пас-ийс Кörtкерöс районысь Висер сиктса библиотека.

Октябрь 10 лунö тайö лыддысянинас чукöртчылысны сэтчöс вöвлöм да талун уджалысьяс, Кörtкерöсысь да Ыджыдвидзысь налön уджёртыяс, медся азым лыддысьсысьяс. Дерт жö, воліс сиктса овмöдчöминön веськöдлысь Анна Андреевна Попова, вöліны и «Коми йöзöдчан керкаысь» журналистыяс да мукöд пыдти пуктана йöз.

Гöсьтыясöс ёна и гажöдісны Висерса томуров. Ныв-зон сьöлöмсяныс мича сьылысны-йöктісны. Петкöдчис тшöтш и аканьяслöн театр – ичöт классын велöдчысьяс дась-тöмабсь «Колобок» мойд.

Сиктса аняяслön «Кудесница» котыр тшöтш жö чолöмаліс радейтана библиотеканысö сьыланкывйöн да кывбурöн. Кутшöмön вöлі уна во сайын библиотекаса уджалысь, тыдовтчис шмонитана мода дефилеын. Сійöс дасьтіс библиотекабердса «В кругу друзей» том йöзлön котыр.

Бөръя вит восö библиотекайн веськöдлö авъя да водзмöстчысь ань Светлана Владимировна Игушева. Сійö чолöмаліс гöсьтыясöс тшупöда пасöн да пасйис сиктса библиотекалысь медбур ёртъясö. Сідз, медбур лыддысьсысьöн шүöма 5-öд классысь Павел Габовöс, тöдöмлунъя-яслань торйöн нин окотапырысь сибöдчö 5-öд классысь жö Роберт Мишарин, библиотекалы ёна отасьö бара жö 5-öд классын велöдчысь Ида Игушева. Библиотекалön медбур ёртыс – Альвия Ивановна Попова, а медся лыддысьсысь семьяыс – Геній Иванович да Эмма Васильевна Спартакияслön.

Висерысь ассьыныс уджёртыясö бур да ошкана кывъясьöн чолöмалісны Кörtкерöсса шöр библиотекаын зільысьяс, аскöдныс найö вайöмабсь пызанывьса бильярд да выль улöсьяс.

Шань кывъяс вичмысны Светлана Владимировналы «Йöлöга» газетса главнöй редактор Галина Макарова-сянь, сійö аттыбаліс водзмöстчысь аньöс бур уджысь да томуровöс коми газет-журнал лыддыны вшöдöмысь.

А сиктса овмöдчаніön веськöдлысь Анна Андреевна Попова сетіс библиотекалы сьöма козин.

Нöшта öти козинön висерсалы лон Ыджыдвидзысь Кино Васльöн гудок шы улö мича сьыланкывъясьöн петкöдчöмыс.

Пырöдчылам важас

Висерса библиотекаöс нимöдан тайö кыпыд чукöртчылöм-адзысьлöм дырйиыс гöсьтыяс, дерт жö, пырöдчылысны и сылön историяö. Уна во чöж вежсьöм-сöвмöм, уна сьöкылун венöм, уна кöлена лыддысьсысьлысь тöдöмлун кышöдöм – ставыс тайö тыдовтчö библиотекаыслön история лист бокьясын.

XIX нэм помын Коми муын библиотекаыс вöлöма эгша, но XX нэм заводитчигön ставыс вежсьöма. 1901 воын Усть-Сысольск уездын восясьöма 8 библиотека, тшöтш и Нёбдіннын лыддысян керка. Сэсья 1903 воö – Додзын, а 1904 воö – Маджаын, Мордіннын, Пезмöгын, Шойнатыын, Ыджыдвидзын, Одыбын, Керöсын да Висерын.

Висерса библиотека вöссöма земскöй училище бердын и шусьöма эски Богородск вöлөсьтса Вишерскöй народнöй библиотекайн.

Медводдза библиотекарön вöлöма Александра Николаевна Чеусова, коді уджалöма сәні 1915 воöдз. Гожся каникул дырйи сійöс вежлöма вичкын уджалысь Александр Попов.

Библиотекаыс уджалöма быд лун, восясьлöма урокъяс бөрын да сёр рытöдз. Шойччан либö праздник лунö – 12-сянь 14 часöдз. Абу уджалöма библиотекаыс Ыджыдлунö, Рöштвоö, январь 1 лунö да Йöввывлön бөръя кун лунö.

Библиотека вылас Усть-Сысольскса уезднöй земство торйöдлöма во-

нас 77 шайт: 36 шайт – библиотекарлы уджон мынтыны, 30-öс – выль небöг ньöбны, 5-öс – небöг дзоньтавын да 6 шайт – карасин да сись вылö.

1905 воö библиотекаас вöлöма 321 небöг, пасйöма 58 лыддысьсысь, а онас лыддысьмабсь 261 небöг.

1907 воö библиотекаын вöлöма нин 605 небöг, 65 лыддысьсысь, лыддысьмабсь 416 небöг. Вöлöма сәні «Библия», «Библейские рассказы», Н.Гогольлön «Ночь перед Рождеством», А.Пушкинлön «Выстрел», «Руслан и Людмила». Вöлöма и сиктса овмöс кузя литература.

Судзöдöмабсь «Биржевые ведомости», «Сельский вестник» да мукöд журнал.

1915 воö библиотекаö пырöма уджавны Евдокия Егоровна Вахнина да зильöма 1940 воöдз. Сәки сәсья локтöма Александра Филипповна Макарова, но сійö абу дыр уджалöма, 1941 воын вуджöма изба-читаль-



няö. Сы местаö босьтöмабсь Мария Павловна Габоваöс. Библиотекаыс да изба-читальняыс нуöдöмабсь öтувъя удж: кышöдöмабсь йöзлысь тöдöмлун, котыртöмабсь и агрокружок. Мария Павловна уджалöма библиотекарön 1949 воöдз.

1949-1951 воясö локтöма уджавны Мария Дмитриевна Латкина.

Сійöс вежöма Матрёна Ивановна Подорова. 1951 воö библиотекайн заводитöма веськöдлыны Тамара Ефимовна Калистратова, коді уджалöма 37 во.

1967 восянь библиотекаыс мөститчöма сиктса вичколөн мөд судтаын. Бур уджысь Тамара Ефимовналы сетöмабсь «Коми АССР-са культураын заслуженнöй уджалысьлысь» ним.

А 1983 воын котыртчöма библиотекабердса медводдза краеведческöй музей.

1987 воын Тамара Ефимовнаöс вежöма Нина Ивановна Ивашева, коді зильöма 22 во. А 2009 вося июльын библиотекаса уджö босьтчöма Светлана Владимировна Игушева.

2014 вося январын библиотекаын артавьöма 669 лыддысьсысь, вома 31 сикас газет-журнал. Библиотека бердын талун уджалö 4 творческöй котыр.

Екатерина МИКУШЕВА.
Снимокъясыс авторлön.